



O portavoz do Grupo Municipal do Partido Popular de Vigo, conforme ao disposto no artigo 54.10 do Regulamento Orgánico do Pleno do Concello de Vigo e da restante normativa aplicable, formula para o seu debate e aprobación na vindeira sesión a seguinte

MOCIÓN DE URXENCIA

Diante da decisión da comisión de festas de Coia non celebrar as festas na honra da Virxe da Consolación logo do informe desfavorable do Concello ao plan de autoprotección presentado e o silencio administrativo de Praza do Rei ás solicitudes dos empresarios feirantes para poder instalar as súas atraccións nesta e noutras festas patronais previstas ao longo deste verán

XUSTIFICACIÓN DA URXENCIA

Este mércores, 25 de xuño de 2025, o mesmo día en que o alcalde-presidente do pleno da corporación de Vigo asinaba e formalizaba a convocatoria de sesión ordinaria correspondente ao mes de xuño, a celebrar o vindeiro luns día 30, a comisión de festas de Coia convocaba unha rolda de prensa para comunicar pública e oficialmente a súa decisión de non celebrar este ano 2025 as festas logo das novas esixencia do Concello de Vigo que a fan imposible.

Unhas esixencias que ese mesmo día o alcalde, don Abel Caballero, asegurou eran froito dunha decisión técnica e no política para o cumprimento da lei.

Porén, unha decisión que contrasta co que está acontecer nos resto de concellos de Galicia onde non está a haber ningún problema coa aplicación das normas e se están a autorizar as festas e atraccións que cumpren a normativa vixente.

EXPOSICIÓN DE MOTIVOS

O pasado martes 24 de xuño a comisión de festas de Coia adoptou por unanimidade renunciar a celebrar as festas na honra da Virxe da Consolación neste verán de 2025. Unha decisión dolorosa, que é a primeira vez que se toma nos seus cen anos de historia, e que veu motivada por mor da imposibilidade de cumprir cos novos requisitos impostos dende o Concello de Vigo.

Entre outros esixir por vez primeira aforar o recinto, algo inviable segundo recoñecen dende a comisión de festas; Ou tamén a imposibilidade de contar con atraccións de feira despois do silencio administrativo ás peticións de instalación, algo tamén denunciado polo sector dos feirantes que igualmente acusan ao concello de vetar a súa presenza na festas de Vigo con requirimentos inxustificadas.

Ambas circunstancias contrastan co acontecido durante todos estes anos atrás de goberno de Abel Caballero ata o punto de que, segundo os propios afectados "o que antes valía, agora non".

Un novo escenario consecuencia do accidente mortal acontecido o ano pasado na atracción 'Saltamontes' durante as festas de Matamá. Atracción que non estaba autorizada polo Concello pero que aínda así non ordenou precintar incumprindo, por omisión, a súa obriga como administración.

Como tampouco este concello cumpriu coa súa obriga de supervisar a montaxe e instalación das atraccións que si estaban autorizadas, tal e como se recolle na Lei 10/2017 de espectáculos públicos e actividades recreativas de Galicia e na restante normativa vixente.

Un cumprimento das leis ao que agora este goberno municipal apela para tratar de xustificar o seu rexeitamento a autorizar pero que contrasta co que está a acontecer no resto dos concellos galegos, onde as leis son as mesmas e non está a haber ningún problema.


Neste senso cabe recordar que o decreto ao que o señor alcalde apelou para xustificar a negativa á comisión de festas de Coia, o 26/2022, ten validez dende o de xaneiro do 2024 e polo tanto xa estaba en vigor o verán pasado e tamén no pasado Nadal, no que este concello actuou de xeito diferente ao que está a facer

E por iso que diante da falta de vontade política demandamos do pleno da corporación de Vigo na vindeira sesión ordinaria correspondente ao mes de xuño, a celebrar o luns 30 de xuño os seguinte

ACORDOS:

- 1.- Demandar do Concello de Vigo o estrito cumprimento da Lei 10/2017 de espectáculos públicos e actividades recreativas de Galicia e do decreto 26/2022, tal e como están a facer o resto de concellos.
- 2.- Demandar do Concello de Vigo que faga compatibles a seguridade das persoas, o cumprimento da lei e o acceso ao ocio nas festas populares como están a facer o resto de concellos de Galicia.
- 3.- Demandar do Concello de Vigo que conteste como corresponda ás solicitudes presentadas polos empresarios feirantes para poder instalar ou non as súas atraccións nas distintas festas parroquiais da nosa cidade.

Vigo, 26 de xuño de 2025



José Miguel Martín Peña